

DI SEKELILING PERJUANGAN UMAT ISLAM INDONESIA

GARIS POKOK PERJUANGAN MASYUMI

(II)

Rencana yang berharga ini ialah buah pena Tuan Muhammad Isa Anshari

Ketua Pengarang "Aliran Islam", sebagai penyambung bilangan yang lalu.

Masyumi sebagai parti Islam yang berjuang dalam gelanggang politik berkewajipan menyalurkan, mengatur dan memimpin geraka dan jalannya tenaga pembelaan itu.

Ia harus terutama memberikan garisan pemisah antara Muslim Jiwangar dengan Muslim hakiki.

Ia harus memberikan ketentuan dan ketetapan perbezaan yang nyata serta tegas antara Islam pengakuan dengan Islam kesungguhan.

Ia harus dapat menyalurkan, memimpin serta mengatur cara bekerja dan bergerak tenaga pembelaan dan pengorbanan kaum Muslimin, dalam memperjuangkan cita-cita Islam, ideologi politik kenegaraan umat Islam.

Ia harus dapat memelihara tenaga umat Islam sebaik-baiknya, pandai menggunakan kemampuan tenaga itu kepada perjuangan, hingga tenaga itu tiada berhamburan.

Ia harus dapat memimpin perjalanan cita-cita umat Islam sepanjang kemungkinan dan kesanggupan, menurut daratan kenyataan.

Peribadi Parti

Di dalam mengatur dan menyusun jalannya perjuangan terlebih dahulu harus dibentuk peribadi parti dengan perlengkapan dan peralatan yang sempurna.

Bukan sahaja peralatan pertubuhan (susunan dalam dan pembahagian pekerjaan) tetapi juga dalam lapangan

ideologi.

Kesempurnaan peralatan dan kelengkapan diri dan perbezaan parti dengan pertubuhan yang baik dan ideolohi yang teguh, adalah menjadi syarat mutlak bagi ketangkasan dan kelancaran jalannya kehidupan parti dan perjuangannya.

Segenap putera Islam yang berhubung dalam Masyumi harus pandai menyusun diri dalam parti dengan cara dan menurut tata tertib berparti.

Dalam lapangan ideologi harus yakin dan sanggup meyakinkan dunia luar atas benarnya cita-cita Islam dalam lapangan kenegaraan dan kemasyarakatan.

Dalam lapangan perjuangan harus pandai menentukan siyasah, strategi dan taktik, menurut ukuran dan jangka waktu, ruang dan kemungkinan.

Pertubuhan, ideologi dan *theory* perjuangan, itulah syarat mutlak dan anasir yang berkuasa bagi membentuk peribadi politik.

Politik Islam

Masyumi ialah parti politik Islam.

Parti yang mendasarkan gerak bangkitnya, haluan dan perjuangannya kepada Islam semata-mata, atau lebih tegas pedoman. Jihad dan perjuangannya ialah Quran dan Hadis. Islam sebagai agama, peraturan atau sistem, ajarannya melengkap

segenap sudut dan segi hidup dan kehidupan umat Islam.

Politik Islam, bukan Islam Politik

Apa bezanya politik Islam dengan Islam politik.

Islam politik ialah Islam hendak dijadikan alat politik.

Islam dijadikan alat, Dijadikan perkakas.

Masuknya ke dalam Masyumi bukan kerana cita-cita dan ideologi Islam, bukan kerana cita-cita dan idealisme Masyumi, akan tetapi hendak mencari kedudukan, pangkat atau jabatan, kekuasaan atau kemegahan.

Islam dijadikan alat, tangga tempat naik, batu lanjutan mencari pangkat untuk diri sendiri.

Parti dijadikan alat junjung tempat mencari kedudukan.

Ia masuk ke dalam parti bukan kerana ideologi.

Tetapi kerana krosilogi.

Berbeza dengan politik Islam.

Politik Islam ialah hendak memakai politik sebagai alat dari cita-cita dan ideologi Islam.

Orang yang masuk ke dalam Masyumi kerana Islam, kerana cita-cita dan ideologi, bukan kerana harapan “apa-apa” atau kerana hendak mencari keuntungan dan kedudukan, dia akan menyerahkan dirinya sebetul-betulnya bagi melayani perjuangan parti dengan segala kesungguhan dan kebulatan.

Dia merasa dirinya adalah alat dari parti, alat dari cita-cita dan ideologi Islam.

Kesedaran Islam

Semuanya itu akan tumbuh, jika lau umat Islam atau warga Masyumi memiliki kesedaran beragama, mempunyai apa yang dinamakan kesedaran Islam.

Agama Islam bukan lagi dihargakannya sebagai barang

warisnya yang diterimanya dari nenek moyangnya turun temurun.

Agama Islam bukan lagi dianggapnya “harta lama pusaka bersama”. Akan tetapi Islam hendaknya menjadikan keyakinan hidup, kesungguhan dan kepercayaan, syahadat dan kesaksian.

Keyakinan, kesungguhan dan kepercayaan, yang menumbuhkan ilmu dan amal, pengertian dan perbuatan, menumbuhkan daya, kekuatan dan kesanggupan.

Bersatunya ilmu dengan amal, berpaduan pengertian dengan perbuatan, segala-galanya itu menghendaki didikan dan latihan, merosakkan rasa Islam dan iman di dalam diri kita sendiri.

Pengertian yang mendalam dan ilmu yang luas tentang agama Islam, itulah yang akan menerbitkan keyakinan hidup.

Roh tawhid dan jiwa iman, ialah sumber segenap kekuatan di dalam hidup, yang kita terima dari ajaran agama Islam semata-mata.

Kerelaan diri kita kepada agama yang diturunkan Illahi untuk kita hendaknya menumbuhkan penyerahan hidup dan kehidupan, menyerahkan apa sahaja yang kita miliki di dalam hidup ini dengan ikhlas dan mesra.

Kita ini untuk kepunyaan Islam yang wajib menyerahkan diri bulat-bulat untuk diatur oleh Islam.

Bukan kita yang mengatur Islam, tetapi Islam yang mengatur kita. Bukan kita yang memiliki Islam, tetapi Islam memiliki kita. Demikian hendaknya cara kita berfikir dalam Islam.

Jangan kita memperbudak Islam. Jangan kita memerkuda Islam. Jangan kita menodai Islam.

Kalau kita telah memahamkan Islam sebagai “*Dīn*”.

Sebagai agama, yang mengatur jalan hidup dan kehidupan kita, baik yang mengenai ibadat maupun yang mengenai muamalah, barulah tumbuh kesedaran beragama, kesedaran Islam yang sejati dan hakiki.

Radiyat bala salām dunia, aku redha kepada Islam sebagai

agama, begitu hendaknya ucapan seorang Muslim.

Ertinya seorang Muslim tidak akan merasa perlu lagi kepada peraturan dan exam lain, tidak merasa perlu lagi kepada undang-undang atau hukum , selain daripada hukum Allah dan Rasul-Nya.

Ucapan dan pengakuan ini bukan khayal, tetapi keyakinan, keyakinan yang menjadi jiwa kehidupan kita. Keyakinan yang menjadi darah kehidupan kita. Keyakinan yang menjadi dagang kehidupan kita. Keyakinan yang menjadi rasa kehidupan kita.

Tetapi keyakinan yang tumbuh dari ilmu pengertian, keyakinan yang kita terima sebagai tawfiq dan hidayat daripada Allah. Kalau Islam telah menjadi “rasa hidup” maka seorang Muslim akan relah dan sedia hangus kerana kepentingan Islam dan kehidupan masyarakat Islam.

Ia akan masuk parti Islam bukan lagi kerana ising-isng atau sambil lalu, bukan hendak berpoya-poya atau setengah-setengah, tetapi dia masuk ke dalam parti Islam sebagai suruhan batinnya sendiri, sebagai kewajipan suci.

(sambungan dari muka 14)

mengharuskan beristeri banyak itu kita dapat mengelakkan perceraian mereka sambil memenuhi cita-cita si lelaki. Terkadang-kadang kita dapati bahawa suatu negeri itu terpaksa membenarkan kalau pun tidak dapat menggalakkan-penduduk-penduduknya beristeri banyak untuk memenuhi kekurangan bilangan mereka sebagai amanah yang sentiasa berlaku selepas peperangan oleh kerana kehilangan beribu-ribu jiwa di dalam medan peperangan menyebabkan bilangan kaum itu terlebih banyak daripada bilangan yang lelaki. (bersambung).

Panduan Rasulullah (SAW)

“Menyambut-nyambut akan nikmat Allah itu adalah satu terima kasih, dan mendiamkan itu bererti tidak menerima kasih, Barang siapa tidak berterima kasih (atas nikmat) yang sedikit, ia tidak akan berterima kasih (atas nikmat) yang banyak, dan barang siapa tidak berterima kasih kepada manusia, ia tidak akan berterima kasih kepada Allah. Bersatu itu satu rahmat dan bercerai berai itu satu azab”.

-maksud hadis riwayat al-Bayhaqī.

Sudah Terbit!

Penggal I, II

Sejarah Khalifah Islam yang Terbilang

‘Umar Ibnu al-Khaṭṭāb

oleh

‘Abdullāh Basmeh

4 Penggal Tamat

Sepenggal \$ 1.20

Sila Pesan Kepada:

QALAM PRESS LIMITED.

P. O. Box 3031, Singapore 14.